



CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-16-8-375-1/25
Sarajevo, 08.12.2025. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), čl. 33b. stav (2) i 33f. stav (2) tačka f) i h) Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12, 32/13 i 38/22) i člana 3. Pravilnika o godišnjem izvještavanju o sistemu finansijskog upravljanja i kontrole u institucijama Bosne i Hercegovine („Službeni glasnik BiH“, broj: 77/15), direktor Centralne harmonizacijske jedinice Ministarstva finansija i trezora Bosne i Hercegovine, *donosi*

O D L U K U

o objavljivanju forme i sadržaja obrasca Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2025. godinu s Uputstvom za izradu Godišnjeg izvještaja za 2025. godinu

**Član 1.
(Predmet Odluke)**

Ovom odlukom objavljuje se forma i sadržaj obrasca Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2025. godinu s Uputstvom za izradu Godišnjeg izvještaja za 2025. godinu (u daljnjem tekstu: Godišnji izvještaj), koje utvrđuje Centralna harmonizacijska jedinica Ministarstva finansija i trezora Bosne i Hercegovine.

**Član 2.
(Primjena)**

- (1) Godišnji izvještaj sačinjava se popunjavanjem obrasca Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2025. godinu.
- (2) Uputstvo za izradu Godišnjeg izvještaja sastavni je dio obrasca Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2025. godinu.
- (3) Godišnji izvještaj sadrži i podatke o realizaciji mjera iz Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2025. godinu.
- (4) Obrazac Godišnjeg izvještaj popunjava se u cjelosti.

- (5) Sve institucije Bosne i Hercegovine dužne su dostaviti godišnji izvještaj o sistemu finansijskog upravljanja i kontrole Centralnoj harmonizacijskoj jedinici Ministarstva finansija i trezora Bosne i Hercegovine do 15. februara 2026. godine.
- (6) Izvještaji koji budu dostavljeni nakon propisanog roka ili ne budu popunjeni u cjelosti neće biti uzeti u razmatranje prilikom izrade Konsolidiranog godišnjeg izvještaja o sistemu finansijskog upravljanja i kontrole u institucijama BiH za 2025. godinu.

Član 3. **(Način popunjavanja i dostavljanja Godišnjeg izvještaja)**

- (1) Institucije Bosne i Hercegovine popunjavaju obrazac Godišnjeg izvještaja u Aplikaciji za praćenje, upravljanje i izvještavanje o sistemu finansijskog upravljanja i kontrole i interne revizije u institucijama Bosne i Hercegovine - *PIFC* aplikacija.
- (2) Ovlaštenje za unos podataka u *PIFC* aplikaciju i popunjavanje obrasca Godišnjeg izvještaja imaju samo osobe kojima su dodijeljeni pristupni podaci za rad u *PIFC* aplikaciji.
- (3) Popunjen obrazac Godišnjeg izvještaja preuzima se iz *PIFC* aplikacije i, nakon što bude potpisan i ovjeren od strane rukovodioca institucije, dostavlja se Centralnoj harmonizacijskoj jedinici Ministarstva finansija i trezora Bosne i Hercegovine.

Član 4. **(Odgovornost)**

Za tačnost podataka navedenih u Godišnjem izvještaju odgovoran je rukovodilac institucije u skladu s članom 4. stav (2) Pravilnika o godišnjem izvještavanju o sistemu finansijskog upravljanja i kontrole u institucijama Bosne i Hercegovine.

Član 5. **(Konsolidirani godišnji izvještaj o sistemu finansijskog upravljanja i kontrole)**

Na osnovu godišnjih izvještaja o sistemu finansijskog upravljanja i kontrole u institucijama Bosne i Hercegovine Centralna harmonizacijska jedinica Ministarstva finansija i trezora Bosne i Hercegovine sačinjava Konsolidirani godišnji izvještaj o sistemu finansijskog upravljanja i kontrole za 2025. godinu koji, putem Ministarstva finansija i trezora Bosne i Hercegovine, dostavlja Vijeću ministara Bosne i Hercegovine najkasnije do 31. marta 2026. godine.

Član 6. **(Svrha izvještavanja)**

- (1) Svrha Konsolidiranog godišnjeg izvještaja o sistemu finansijskog upravljanja i kontrole je informiranje Vijeća ministara Bosne i Hercegovine o stanju i napretku u oblasti finansijskog upravljanja i kontrole, praćenju primjene propisa iz ove oblasti i predlaganje mjera za daljnje unapređivanje sistema finansijskog upravljanja i kontrole u institucijama Bosne i Hercegovine.
- (2) Poseban dio Konsolidiranog godišnjeg izvještaja o sistemu finansijskog upravljanja i kontrole za 2025. godinu je Izvještaj o realizaciji mjera iz Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2025. godinu, kojim se Vijeće ministara Bosne i Hercegovine informira o

dinamici realizacije mjera i ostvarivanja ciljeva Strategije razvoja sistema internih finansijskih kontrola u institucijama Bosne i Hercegovine za period 2020-2025. godina.

Član 7. (Objavljivanje)

- (1) U prilogu ove odluke je obrazac Godišnjeg izvještaja zajedno s Uputstvom za izradu Godišnjeg izvještaja za 2025. godinu.
- (2) Odluka i obrazac Godišnjeg izvještaja objavljuju se na internet stranici Ministarstva finansija i trezora Bosne i Hercegovine, u dijelu koji se odnosi na Centralnu harmonizacijsku jedinicu Ministarstva finansija i trezora Bosne i Hercegovine www.mft.gov.ba ili <https://chj.mft.gov.ba> (Finansijsko upravljanje i kontrola-Propisi).
- (3) Centralna harmonizacijska jedinica Ministarstva finansija i trezora Bosne i Hercegovine obavijestit će institucije Bosne i Hercegovine o donošenju i objavljivanju ove odluke.

Član 8. (Stupanje na snagu Odluke)

Ova odluka stupa na snagu danom donošenja.

DIREKTOR

Njegoš Pavlović, s.r.

Dostaviti:

- internet stranica CHJ MFT BiH
- a/a

Prilog:

- Obrazac Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2025. godinu s Uputstvom za izradu Godišnjeg izvještaja za 2025. godinu.